

# შიდა ქართლში ხვალ კიდევ ერთი აგრარული ბაზარი გაიხსნება

05 მაისი 2020

შიდა ქართლის რეგიონში მორიგი აგრარული ბაზარი ხაშურში გაიხსნება. სავაჭრო დაწესებულება შიდა ქართლის რწმუნებულმა გიორგი ხოჯევაანიშვილმა, გარემოს დაცვისა და სოფლის მეურნეობის მინისტრის მოადგილემ სოლომონ პავლიაშვილმა, ხაშურის მუნიციპალიტეტის მერმა გიორგი გურასაშვილმა და სურსათის ეროვნული სააგენტოს წარმომადგენლებმა დაათვალიერეს და ადგილზე გაეცვენ ბაზრის მდგომარეობას, აგრარული ბაზრის ტერიტორიაზე სრულადაა დაცული სურსათის ეროვნული სააგენტოს რეკომენდაციები. შესაბამისად, მოვაჭრეები რეგულაციების სრული დაცვით შეძლებენ საქმიანობის განახლებას.

კორონავირუსის გავრცელების პრევენციის მიზნით, ბაზრის ადმინისტრაცია ვალდებულია, უზრუნველყოს მომხმარებელთა ნაკადის დაცვა, რისთვისაც სავაჭრო ობიექტის შესასვლელი და გასასვლელი გაიმიჯნა შესაბამისი ნიშნების მითითებით. ასევე, სავაჭრო ობიექტის ტერიტორიის დეზინფექცია განხორციელდება ინტენსიურად. მოვაჭრეები კი საქმიანობას პირბადეებითა და ხელთათმანებით განაგრძობენ. დადგენილი წესების დაცვა მკაცრად გაკონტროლდება. საგანგებო მდგომარეობის ფარგლებში დაწესებული შეზღუდვების ეტაპობრივად შემსუბუქების ფარგლებში, 27 აპრილიდან საქართველოში ღია ტიპის აგრარულ ბაზრებს სამუშაოს განახლების უფლება მიეცათ. თუმცა, მათი ოპერირებისთვის სავალდებულოა ჯანდაცვის სამინისტროსა და სურსათის ეროვნული სააგენტოს მიერ შემუშავებული რეკომენდაციების დაცვა.